



ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ

Գ Լ Խ Ա Վ Ո Ր Ք Ա Ր Տ ՈՒ Ղ Ա Ր

Հայաստանի Հանրապետություն, 0010, ք. Երևան, Տիգրան Մեծ 4, հեռ.՝ (+374 60) 830 840, (+374 60) 830 850
Էլ-փոստ՝ info@competition.am, վեբ կայք՝ //www.competition.am

«20» 05 2022թ.

No 001542

«ՏՈՒՄՈՆ» ՍԱՀՄԱՆԱՓԱԿ
ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ՏՆՕՐԵՆ
ՊԱՐՈՆ ԶԱՆԻԲԵԿ ԹՈՎՄԱՍՅԱՆԻՆ
(հասցե՝ ք. Երևան, Մալաթիա-Սեբաստիա, Անդրանիկի, 4, 8)

Հարգելի՛ պարոն Թովմասյան,

Կից ուղարկվում է Մրցակցության պաշտպանության հանձնաժողովի 2022 թվականի մայիսի 17-ի «Թիվ ՀԳ-00061/22 վարույթի ժամկետը երկարաձգելու մասին» թիվ 190-Ա որոշման պատճենը:

Առդիր՝ «2» թերթ:

ՀԱՐԳԱՆՔՈՎ՝

ԱՇՈՏ ՎԱՀԱՆՅԱՆ

Կատարող՝ Արմենուհի Թադևոսյան
Անբարեխիղճ մրցակցության վերահսկողության վարչություն
Հեռ. (+374 60) 830-840 (245)



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ

Ո Ր Ո Շ ՈՒ Մ

17 մայիսի 2022 թվականի թիվ 190-Ա

ԹԻՎ ՀԳ-00061/22 ՎԱՐՈՒՅԹԻ ԺԱՄԿԵՏԸ ԵՐԿԱՐԱԶԳԵԼՈՒ ՄԱՍԻՆ

Մրցակցության պաշտպանության հանձնաժողովը (այսուհետ նաև՝ **Հանձնաժողով**) 2022 թվականի մայիսի 17-ի նիստում, քննարկելով թիվ ՀԳ-00061/22 վարույթի ժամկետը երկարաձգելու մասին հարցը,

Պ Ա Ր Զ Ե Ց

Աշխատանքի և սոցիալական հարցերի նախարարությունը (այսուհետ նաև՝ **Նախարարություն**) 2022 թվականի փետրվարի 11-ին Հանձնաժողով է ներկայացրել գրություն՝ հայտնելով, որ Նախարարության կողմից հայտարարվել են Նախարարության ենթակայությանը հանձնված պետական ոչ առևտրային կազմակերպությունների 2022 թվականի կարիքների համար սննդամթերքի, տնտեսական, սանհիգիենիկ և մաքրիչ նյութերի կենտրոնացված կարգով ձեռքբերման նպատակով կազմակերպված «ԱՍՀՆ-ՊՈԱԿ-ԷԱՃԱՊՁԲ-22/3-Գ-1», «ԱՍՀՆ-ՊՈԱԿ-ԷԱՃԱՊՁԲ-22/3-Գ-2», «ԱՍՀՆ-ՊՈԱԿ-ԷԱՃԱՊՁԲ-22/3-Գ-3», «ԱՍՀՆ-ՊՈԱԿ-ԷԱՃԱՊՁԲ-22/3-ԳԵՏ-1», «ԱՍՀՆ-ՊՈԱԿ-ԷԱՃԱՊՁԲ-22/3-ԳԵՏ-2», «ԱՍՀՆ-ՊՈԱԿ-ԷԱՃԱՊՁԲ-22/3-ԳԵՏ-3», «ԱՍՀՆ-ՊՈԱԿ-ԷԱՃԱՊՁԲ-22/3-Վ-2», «ԱՍՀՆ-ՊՈԱԿ-ԷԱՃԱՊՁԲ-22/3-Վ-3», «ԱՍՀՆ-ՊՈԱԿ-ԷԱՃԱՊՁԲ-22/3-Վ-4», «ԱՍՀՆ-ՊՈԱԿ-ԷԱՃԱՊՁԲ-22/3-ԵԽ-2», «ԱՍՀՆ-ՊՈԱԿ-ԷԱՃԱՊՁԲ-22/3-ԵԽ-3», «ԱՍՀՆ-ՊՈԱԿ-ԷԱՃԱՊՁԲ-22/3-ԵԽ-4», «ԱՍՀՆ-ՊՈԱԿ-ԷԱՃԱՊՁԲ-22/7-ԵԽ», «ԱՍՀՆ-ՊՈԱԿ-ԷԱՃԱՊՁԲ-22/7-ԵԽ-1», «ԱՍՀՆ-ՊՈԱԿ-ԷԱՃԱՊՁԲ-22/7-Վ» և «ԱՍՀՆ-ՊՈԱԿ-ԷԱՃԱՊՁԲ-22/7-Վ-1» ծածկագրերով «էլեկտրոնային աճուրդ» գնման ընթացակարգերը (այսուհետ միասին նաև՝ **Գնման ընթացակարգեր**): Աճուրդների ամփոփման և տվյալների ստուգման արդյունքում պարզվել է, որ տվյալ ընթացակարգերի չափաբաժիններից գերակշռող մասում առաջին տեղ զբաղեցրած մասնակից է հանդիսացել «Տումոն» սահմանափակ պատասխանատվությամբ ընկերությունը (այսուհետ նաև՝ **Ընկերություն**)՝ առաջարկելով ոչ իրատեսական շուկայական արժեքից ցածր գնային առաջարկներ: Նախարարությունը նշել է, որ Ընկերության կողմից

ներկայացված հայտը թերի էր և չի համապատասխանել մրցույթի պահանջներին: Ընկերությանը տրամադրվել է շտկման հնարավորություն, սակայն համապատասխան շտկումներն Ընկերության կողմից չի կատարվել: Ուստի հայտը մերժվել է և Գնման ընթացակարգերը նորից վերահայտարարվել են: Ընկերությունը, 2022 թվականի հունվարի 19-ից ընդգրկված լինելով գնումների գործընթացին մասնակցելու իրավունք չունեցող մասնակիցների ցուցակում, կրկին մասնակցել է Նախարարության կողմից հայտարարված Գնման ընթացակարգերին:

Հանձնաժողովը 2022 թվականի մարտի 1-ին ««Տումոն» սահմանափակ պատասխանատվությամբ ընկերության կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին» թիվ 80-Ա որոշմամբ հարուցել է թիվ ՀԳ-00061/22 վարույթը (այսուհետ նաև՝ **Վարույթ**):

Հանձնաժողովը Վարույթը հարուցել է Ընկերության վարքագծում առերևույթ անբարեխիղճ մրցակցության հատկանիշների առկայության հիմքով:

Հաշվի առնելով այն հանգամանքը, որ «gnumner.am», «procurement.am», «armeps.am/ppcm» և «eauction.armeps.am» կայքերում Գնման ընթացակարգերի վերաբերյալ հրապարակված տեղեկատվությունը գնահատելու, անհրաժեշտության դեպքում այլ տեղեկատվություն ձեռք բերելու, ինչպես նաև դրանցից ելնելով գործի բազմակողմանի, լրիվ և օբյեկտիվ քննությունն իրականացնելու նպատակով Վարույթի իրականացման՝ «Տնտեսական մրցակցության պաշտպանության մասին» օրենքով (այսուհետ նաև՝ **Օրենք**) սահմանված եռամսյա ժամկետը բավարար չէ, Հանձնաժողովը գտնում է, որ առաջացել է Վարույթի ժամկետը երկարաձգելու անհրաժեշտություն:

Հիմք ընդունելով վերոգրյալը և ղեկավարվելով Օրենքի 63-րդ հոդվածի 1-ին մասով, 42-րդ հոդվածի 2-րդ մասով՝ Հանձնաժողովը

Ո Ր Ո Շ Ե Ց

1. Թիվ ՀԳ-00061/22 վարույթի ժամկետը երկարաձգել 2022 թվականի հունիսի 1-ից՝ եռամսյա ժամկետով:

2. Սույն որոշումն ուժի մեջ է մտնում ընդունման պահից:

ՆԱԽԱԳԱՀ

2022 թ. մայիսի 17
Երևան



Գ. ԳԵՎՈՐԳՅԱՆ